

21/11/2003

Sidang dewan tenang tanpa pembangkang

SHAH ALAM: Sidang Dewan Undangan Negeri Selangor, semalam, berlangsung dalam suasana tenang berikutan tiada seorang pun wakil rakyat parti pembangkang hadir sebagai membantah tindakan polis mengheret Adun Bandar Klang, Teng Chang Khim keluar dari dewan, kelmarin.

Berikutan itu, sidang dewan yang bermula pada jam 10 pagi dengan sesi soal jawab kemudian pembentangan usul terima kasih kepada bekas Perdana Menteri, Tun Dr Mahathir Mohamad dan penggulangan hujah belanjawan berjalan lancar.

Malah, Menteri Besar Datuk Seri Dr Mohamad Khir Toyo, semasa menggulung hujah perbahasan meminta wakil rakyat dan seluruh jentera parti Barisan Nasional (BN) bersatu padu dan bekerja keras mulai sekarang untuk memastikan kemenangan BN pada pilihan raya akan datang dan mencapai matlamat pembangkang sifar.

"Dengan itu, kita boleh melangsungkan sidang dewan dengan aman sebagaimana hari ini (semalam) tanpa kehadiran pembangkang," katanya.